

գրով եւ խաղաղարար լեր. զի որդի Աստուծոյ կոչեսցիս. բաւ է :

Զինչ գէր որ գրես Փափին, նա՛ զսուրաթն հանես, որ իմանամք թէ ի՛նչ ես գրեր. որ զՓափին գիրն զմռով մօհրես որպէս օրէն է, եւ ուղարկես առ մեզ, որ մեր հաւատարիմ մարդովն ուղարկեմք առ Փափն : Ողջ երի Տէր. բաւ է. զայս բանս շուտով հոգաս, սիրելի :

Պատգամաւորները ծանրաբեռնուած թղթերով վերադարձան Լվով եւ յանձնեցին թղթերը նշանակեալ հասցէներուն :

Թագաւորին ուղղուած թղթին լեհերէն թարգմանութիւնը հոգացին տեղւոյն Հայերը : Այս թուղթին հայերէն իսկագիրը կը պահուի մինչեւ այսօր ի Վարչաւա²⁷ : Անոր հրատարակութիւնը առաջին անգամ տուաւ Մ. Մսեւեանց²⁸. որմէ արտատպեց ապա Հ. Ղ. Ալիշան²⁹ : Թուղթս գրուած է 1632, Օգոստոս

²⁷ Archivium Głównie, p. 1. Ժամանակաւ Պետերբուրգ տարուած եւ պահուած Պետական դիւանատան մէջ ընդ համարաւ 13 : Իսկագրէն օրինակութիւն մը ունիմ առջեւ կատարուած ձեռամբ Հ. Վարդան Վ. Մելքիսեղեկեանի : Կոնդակին նկարագրութիւնն է. Մեծութիւն՝ 53×28 հմ. : Գրութիւն՝ 41×21.5 հմ. : Նիւթ՝ թուղթ : Գիր՝ նոսր : Զարդ՝ լուսանցքները կարմիր կրկին դժերով եղերուած : Վերջը կը գտնուի կաթողիկոսական կնիքը կարմիր թանաքով կոխուած, կլոր 4×4 հմ., զարդի ամբողջ շերտի մը մէջ տեղը, որ կարմիր, կապոյտ, վարդագոյն եւ ոսկի գոյներով է : Կոնդակին սկիզբն եւ վերջը կը ներկայացնեն նմանահանութեամբ : Լուսանկարները հոգաց ինձ Պր. Գ. Սահակեան, որուն կը յայտնեմ շնորհակալութիւնս :

²⁸ Ժողաբաղ, 1860, էջ 72—76 :

²⁹ Կամենից, էջ 241—243 :